



ENERGOTEHNIKA d.d. Vogošća

Igmanska bb, 71320 Vogošća, Bosna i Hercegovina, tel: +387 33 432 632, +387 33 433 848,
<https://www.bagsenergotehnika.ba>, e-mail: info@bagsenergotehnika.ba

Vogošća: 23.02.2026. godine

Broj: 141-02/26

SAOPĆENJE ZA JAVNOST
„BAGS-ENERGOTEHNIKA“ d.d. Vogošća
-DEMANTIJ NA IZJAVE MINISTRA MADENA PANDUREVIĆA-

Poštovani građani Općine Vogošća, građani Kantona Sarajevo i Bosne i Hercegovine, kao direktor Društva „BAGS ENERGOTEHNIKA“ d.d Vogošća prinuđen sam reagovati na neutemeljene izjave ministra Mladena Pandurevića na press konferenciji održanoj 20.02.2026. godine.

Povodom nastavka javnih istupa resornog Ministra u vezi sa poslovanjem „BAGS-Energotehnika“ d.d. Vogošća, radi potpunog i tačnog informisanja javnosti, obavještavam sljedeće:

„BAGS-Energotehnika“ d.d. Vogošća je dioničko Društvo registrovano u skladu sa Zakonom o privrednim društvima FBiH. Kanton Sarajevo posjeduje 67% kapitala, ali Društvo nije organ uprave niti budžetski korisnik, već samostalno pravno lice koje posluje putem svojih organa upravljanja.

Upravljanje Društvom vrši se putem Skupštine dioničara i Nadzornog odbora, a direktor vodi poslove društva u skladu sa zakonom i statutom.

Sve količine mazuta koriste se u okviru jedinstvenog toplifikacionog sistema, čije tehničke karakteristike ne omogućavaju fizičko razdvajanje potrošnje po pojedinačnim kategorijama korisnika.

Do današnjeg dana Društvu nije dostavljen nijedan službeni nalaz nadležnog organa kojim bi bile utvrđene nepravilnosti u trošenju mazuta.

U vezi sa cisternom mazuta koja je bila predmet javnih istupa, ističem da isporuka nije realizovana kroz prethodno proveden postupak javne nabavke/tendera u okviru Društva, već je organizovana od strane ministra Pandurevića lično, bez našeg znanja i narudžbe, pa shodno tome, nemamo ni obavezu prema istoj.

Način organizacije takve isporuke, uključujući proceduralni aspekt, predmet je nadležnosti institucija koje su istu inicirale i odobrile, te ne može biti jednostrano imputiran upravi Društva bez utvrđenih činjenica.

Društvo „BAGS-Energotehnika“ d.d. Vogošća posluje po cijenama ispod tržišnih, te je shodno Zakonu o komunalnoj djelatnosti Kantona Sarajevo i Članu 22, Vlada Kantona Sarajevo dužna nadoknaditi razliku troškova. Ovakav način poslovanja Društva čini štetu svim dioničarima, a moja obaveza kao direktora Društva je da zaštitim interese vlasika odnosno dioničara.

Imajući u obziru da zadnje tri grejne sezone nisu na vrijeme obezbijedena sredstva za subvenciju, dolazimo do problema nedostatka energenta i nemogućnosti pokretanja tendera za nabavku istog.

Želim također da podsjetim građane da je Ministar Mladen Pandurević na organizovanoj press konferenciji dana 16. jula 2025. godine, pričajući o rješavanju problema grijanja za 630 domaćinstava u Vogošći, javno obećao da će biti obezbijedena sredstva za grijanje u Vogošći što nije učinjeno do današnjeg dana, pa smo prisiljeni do sada već dva puta obustavljati grijanje.

Radi zaštite zakonitosti poslovanja i ličnog integriteta direktora, podnesena je dopuna ranije podnesene krivične prijave nadležnom tužilaštvu sa novim činjenicama u vezi sa javno iznesenim kvalifikacijama.

Također, bit će pokrenut postupak za zaštitu časti i ugleda pred nadležnim sudom.

“BAGS–Energotehnika” d.d. Vogošća ostaje otvorena za institucionalni nadzor i reviziju, uz insistiranje na poštivanju zakonskih procedura i pretpostavke nevinosti.

